

Powšitkowne WOZJEWJENJA

njedźelu, 8. decembra 2013

Modlerske hodžiny a přednošk w Róžeńće

Wěriwi ze wšitkich serbskich wosadow su tutu njedźelu, 8. decembra, do hnadowneje cyrkwe w Róžeńće na modlerske hodžiny přeprašeni. Časy su w zašłym wudaću Katolskeho Posoła podate. Kónčny nyšpor je w 17 hodź. Po nyšporje su wšitcy, wosebje tež družki, na administraturu přeprašeni. Andrea Pawlikowa budže tam wo družkach přednošować.

Bajkowa opera Jank a Hanka w serbskej rěči

Serbski ludowy ansambl přeprašuje na swoje serbske premjerne předstajenje znateje džěćaceje bajkoweje opery Jank a Hanka njedźelu, 8. decembra, w 16 hodź. do Chróšćanskeje „Jednoty“. Mali a wulcy wopytowarjo smědža so na kuzłapołnu hodžinku wjeselić.

Paslenje hodownych darikow

Dekanatne dušepastyrstwo přeprašuje šulerki a šulerjow 6. do 8. lětnika sobotu, 14. decembra, wot 9 do 14 hodź. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 10. decembra pod telefonowym čisłom (03 57 96) 8 87 07 přizjewja. Za wudawki dnja zběra so na wobdźělnika přinošk we wysokosći džesać eurow.

Přiležnosť k swjatej spowědži w Róžeńće

sobotu, 14. decembra 17.00 - 18.00 hodź.	farar M. Anders, farar P. Kral, kapłan D. Dzikiewicz, kapłan O. Gonda
wutoru, 17. decembra 18.30 - 19.30 hodź.	farar M. Anders, farar P. Kral, farar B. Jakubaš, farar J. Magiera
pjatk, 20. decembra 17.30 - 18.25 hodź.	farar H. Morawietz, farar G. Nawka, farar P. Kral, farar B. Jakubaš
sobotu, 21. decembra 17.00 - 18.00 hodź.	farar M. Anders, farar W. Sćapan, farar P. Kral, farar B. Jakubaš

Adwentnej koncertaj w Klóštrje a Weinböhli

Serbski projektowy chór pod nawodom Tomaša Kole wuhotuje po lěće 2008 zaso adwentnej koncertaj duchowneje wokalneje hudźby. Prěni raz zaklinčitej na nimaj mjez druhim cyle noweje serbskej twórbje. Prěni koncert budže třecu adwentnu njedźelu, 15. decembra, w 16.30 hodź. w klóšterskej cyrkwi w Pančicach-Kukowje. Dalši předstaji so sobotu, 21. decembra, w 17 hodź. w cyrkwi swjateho Měrcina we Weinböhli njedaloko Radebeula. Zastup je darmotny, prosy pak so wo dar w zběrce.

Adwentnička młodostnych

Adwentnička serbskich młodostnych je lětsa njedźelu, 15. decembra, w Njebjelčicach. Započatk je w 14 hodź. z nyšporom w cyrkwi, kotryž wuhotuje chór 1. serbskeje kulturneje brigady z Budyšina. Potom je na „Bjesadže“ adwentna hra, kotruž předstaja Kulowsky. Přizamknje so swačina.

Adwentny koncert Budyskich gymnaziastow

Na swój mjeztym 20. adwentny koncert přepróšuje chór 1. serbskeje kulturneje brigady z.t. sobotu, 21. decembra, w 17 hodź. do Michałskeje cyrkweje w Budyšinje. Mjez druhimi zaklinči „Adwentna kantata“ na dwanaće hronow Swjateho pisma. Koncert so lětsa nahrawa. Tuž prosy wjednistwo chóra přihladowarjow, akustiske mylenja po móžnosći wuzamknyć.

Komplet we Worklečanskej kapalce

Komplet dekanatneje młodžiny budže sobotu, 21. decembra, w 20 hodź. we Worklečanskej kapalce. Přizamknje so zhromadny wječor w Don Boskowym domje.

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 4. januara, w 13.30 hodź. w Chróšćanskej „Jednoće“ halowy koparski turněr wo pokal TCM. Přepróšene su wosadne a wjesne mustwa młodžiny. Kóžde mustwo měło z wosom hrajerjemi nastupić. Hrač budže so z třomi koparjemi a jednym wrotarjom. Přizjewić měli so mustwa hač do póndžele, 30. decembra, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Kubłanske dny w Schmiedebergu

Kubłanske dny serbskich młodostnych w Schmiedebergu budu wot štwórtka do njedžele, 2. do 5. januara 2014. Přizjewjenja přijimaja so hač do pjatka, 20. decembra, w Dekanatnym dušepastyrstweje we Worklecach pod telefonowym čislom 03 57 96 (9 55 95) abo z mailku na don.boskowy-dom@t-online.de

Mandźelske seminary 2014

Terminy mandźelskich seminarow za přichodne lěto su 14./15. měrca, 28./29. měrca a 28./29. nowembra w Smochćicach. Přizjewić měli so zajimcy pisomnje pola Dekanatneho dušepastyrstwa, Młynski puć 4, we 01920 Worklecach. Formulary k tomu móža sej w cyrkwjach sobu wzać.